

Ro Ta Paulus Ibeede Pizin Epesus

1 ¹Nio Paulus. Nio, Anutu itunu leleene mi iur yo ma aŋwe ngojana ki Yesu Krisi. Aŋbeede ro ti ima piom Epesus ta kewe Anutu wal kini potomjan kek, mi kuurla ki Yesu Krisi, mi kesekap la kini i.^a

²Tamanda Anutu mi Merere kiti Yesu Krisi ko tikampe yom, mi timboro yom ma kombot ambai. Ŋonoono.

Krisi iwe zaala pa kampejana ta boozomen ki Anutu

³Iti tapakur Anutu! Ni Merere kiti Yesu Krisi Tamaana. Pa iti ta tesekap la ki Krisi i, na Anutu ikampe iti pa kampejana saamba kana matakiŋa boozomen ta ki Bubujana i.

⁴Kere. Mungu kat, indeeŋe ni iur saamba mi toono zen na, ipeikat iti tomtom ta tesekap la ki Krisi i be ikam ti ma tewe potomjanda, mibe mbulu kiti iŋgeeze men ma lende uunu sa pa ni mataana som.^b ⁵Tana indeeŋe ta mungu kat na, ni iur leleene piti, mi leleene iur be iŋgo Yesu Krisi ma isu iwe zaala piti, mibe ikam ti ma tewe lutuunu bizin. Ina ni itunu leleene mi muŋaijana kini tau.^c ⁶Pa ni isombe zaana iwe biibi pa muŋaijana mi kampejana kini ndabokjana. Tanata ikampe iti, mi ipomoozo kat iti pa itunu Lutuuu ta ni leleene pini ilip kat na.^d

⁷⁻⁸To kaimer ma Krisi siŋiini ireere na, iwe zaala piti tomtom ta tesekap la ki Krisi i ma Anutu itatke iti pa sanaana mburaana, mi ireege sanaana kiti. Pa Anutu ŋgar kini mi kampejana kini na, biibi ma ilip kat. Tanata ni ipomoozo iti ta kembei.^e ⁹⁻¹⁰Mi ŋgar kini turkejana ta imbot la itunu leleene, ta iswe piti kek. Ŋgar kini tana ta kembei: Ni ko ikamam peeze, mi ila ila ma indeeŋe ka nol, to ilup koron boozomen ta timbot saamba mi toono na ma tiwe tamen, mi iur Krisi ma iwe uteene pizin be imboro zin.^f

^a 1:1 Ŋgo 18:19+, 19:1+, 20:17+ ^b 1:4 Ro 8:28+; Ep 5:27; Kol 1:22; 2Tes 2:13; 2Tim 1:9

^c 1:5 Yo 1:12; Ga 4:5 ^d 1:6 Mt 3:17 ^e 1:7-8 Ro 11:33; Kol 1:14,20; Ibr 9:12; 1Pe 1:18+

^f 1:9-10 Ro 16:25+; Ep 3:9+; Kol 1:16-26

¹¹Tana Anutu, ni ikam koronj ta boozomen irao itunu leleene mi ngar kini. Mi ni leleene iur piti tomtom ta tesekap la ki Krisi i ta mungu kek, be ikam ti ma tewe itunu wal kini. Naso zanda be takam matamur kini.^g
¹²Mi ni isombe niam wal mataana koyam ta amur motoyam pa Krisi mi amzza i, na niam ko amwe zaala pizin wal pakan be tipakur ni zaana pa mbulu kini ndabokjana.

¹³Mi niom tomini. Indeeje tau kelenj sua ngonoono ki uruunu ambaijana mi kuurla na, niomjan Krisi kaparlup yom ma kewe tamen, mi kewe lene. Pa sua tana iso yom pa zaala ta Anutu ikamke iti pa i. Mi Krisi ikam ma Bubujana ta mungu Anutu imbuk sua pa na, ise tiom tomini. Bubujana tana, ina iwe kilalan piti kembei iti ki Anutu.^h
¹⁴Mi ina iwe mataana pa matamur ta boozomen ki Anutu, mi ipombol ti be tuurla kembei zanda pa matamur kini tana. Tana iti tuute: Kaimer ni kola imar, mi ikam ti ma tala tombot su kereene uunu ta kar saamba a. Ingi kembei tabe iti tapakur zaana pa mbulu kini ndabokjana.ⁱ

Sunjjana ki Paulus

¹⁵Indeeje ta anlej uruyom kembei kuurla ki Merere Yesu, mi ku'urur kat leleyom pa Anutu wal kini potomjan ta boozomen na, mazwaana tana mi imar na,^j ¹⁶⁻¹⁷nio anzemzem sunjjana piom som. Anoknok ma imar indeeje koozi. Mi lelej ambai pa Anutu ta Merere kiti Yesu Krisi Tamaana zaanaana na, mi anpakurkur zaana pa uraata ta ikamam la mazwoyom. Nio lelej be kuute kat Anutu, tana anjuzunji be ipombol yom pa Bubujana ta ipeyei ngar ambaijana mi izzwe Anutu ngar kini piti i.^k
¹⁸Mi anjuzunji tomini be ikam mat kini ma iyaara la leleyom. Naso kikilaala matamur kini ndabokjana ta wal kini potomjan zan pa be tikam. Pa ni iboobo yom be kuur motoyom pa koronj ta tana.^l
¹⁹Mi anjuzunji be ikam yom ma kikilaala mbura keskeezejana ta ikamam uraata piti tomtom ta tuurla kini i.^m
²⁰Mburaana tana, tere ka kin se ki mburaana biibi ta ipei Krisi ma imanga la zin meetenan lenen, mi iuri ma mbuleene su Anutu namaana woono ta saamba a.ⁿ
²¹Kere. Koozi, Krisi imbotmbot ta kor a, mi ikamam peeze pa koronj ta boozomen. Tana wal peeze kan, mi koronj bibip mi mburanjan mi zanja ta ki saamba mi toono na, Krisi zaana mi mburaana ilip kat pizin. Ta koozi, kaimer, mi iseenge iseenge ma ila.^o
²²⁻²³Pa Anutu iur koronj ta boozomen ma imap imbot la Krisi kopo mbarmaana be ni iwe uteene pizin mi ikamam peeze pizin. Mi peeze ta ni ikamam, ina be iuulu zin wal kini. Pa zin tiwe

^g 1:11 Ro 8:17,28+; Kol 1:12 ^h 1:13 Yo 14:16+; Ro 8:9; Ga 3:14; Ep 4:30; Tur 7:3

ⁱ 1:14 Ro 8:23; 2Kor 1:22; 1Pe 2:9 ^j 1:15 Kol 1:3+ ^k 1:16-17 Pil 1:3+; 1Tes 1:2; 2Pe 1:3

^l 1:18 Igo 26:18; 2Kor 4:6 ^m 1:19 Ep 3:7; Kol 1:29, 2:12 ⁿ 1:20 Mbo 110:1; 2Kor 13:4; Kol 3:1; Ibr 1:3+ ^o 1:21 Ro 8:38; Kol 1:16+; Pil 2:9+

kembe ni kwoono, kumbuunu, namaana, mi koronjana ta boozomen ta tilup ma tiwe kembe ni itunu. Mi ni izeebe zin kembe ni imbot pa lele ta boozomen, mi izeebe koron ta boozomen.^p

Mbotjana munguna mi mbotjana popojana

2 ¹Mungu niom tina kembe wal meetejan. Pa komololo tutu, mi kakamam mbulu tiom sa ma irao som.^q ²Pai tiom na, kototo mbulu ki toono men, mi kelerlej la Sadan kaljana. Ni ta biibi kizin bubujana sananja tau timbotmbot la mananja na, mi ipeyi ngar sananja pizin wal tau tizorooro Anutu i.^r ³Mi niom men som. Niam tomimi. Pa mungu iti ta boozomen raraate men. Takamam mbulu sananja ta nindi izze pa i, mi tototo ngar sananja ki lelende munguna. Pa iti tomtom toono kanda na, ta kembejana. Tusu raama sanaana. Tabe ikam ma Anutu kete malmaljana kini imbotmbot se kiti.^s

⁴⁻⁵Tana mungu mbulu kiti ta tomololo tutu, ina ikam ti ma kembe temeete kek. Tamen Anutu, ni munajana katuunu, mi lelene piti ilip kat. Tanata ipei iti raama Kisi ma tamanga tewe popojana. Ina ni itunu kampana kini ta ikamke iti.^t ⁶Mi ingi kembe ni ikam iti ta tesekap la ki Kisi i, ma itijan Kisi tasala ma mbulende su kar saamba kek.^u ⁷Tana kampana mi munajana ki Anutu, ina biibi ma ilip kat. Mi ni lelene be kampana mi munajana kini imbot kat mat ta koozi, kaimer, mi iseenge iseenge ma ila. Tanata imunai iti, mi ingo Yesu ma isu piti. ⁸Tana kampana mi munajana ki Anutu ta ikamke iti. Mi ulaana tana ipet pa itundu uraata kiti, som mbulu kiti ambajana sa som. Ina Anutu ipomoozo iti pa. Mi urlajana ta iwe zaala pa.^v ⁹Tana iti lende uunu sa tabe tapakur itundu pa i na som. Pa ulaana tana ipet pa iti uraata kiti, som mbulu kiti sa som. Som kat.^w ¹⁰Tana iti ta tesekap la ki Kisi i, na Anutu itunu ta ikam ti ma tewe popojana. Pa ni lelene be takamam uraata ambaimbajan ta ni iparajan piti pataana kek be takam.^x

Kisi ilup zin Yuda mi zin wal ta Yuda somjan i ma tiwe wal tamen

¹¹Niom wal ta Yuda som na, motoyom ila pa ta mungu na. Zin Yuda nin zze pa reetjana kizin ta tomtom tikam pa naman na, mi tirepilpiili yom ma tizzo ta kembe: “Niom tina reetjeyom som.” ¹²Mazwaana tana, niom kombotmbot molo pa Kisi, mi niom wal ki Anutu kembe ta zin Israel i som. Pa niom wal ndeljoyom. Tana sua mbukjana ki Anutu ikam yom raama zin som. Mi kombotmbot su toono ti, mi kikilaala koron

^p 1:22-23 Mbo 8:6; Mt 28:18; Ro 12:5; 1Kor 12:27; Ibr 2:7+ ^q 2:1 Kol 2:13 ^r 2:2 Yo 8:44; Ep 5:6, 6:12; Kol 3:6+; Tit 3:3 ^s 2:3 Mbo 51:5; Ro 1:18+; 5:12; Ga 5:16,24; 1Pe 4:3

^t 2:4-5 Yo 3:16; Ro 5:6+, 6:4+; Kol 2:12+ ^u 2:6 Kol 3:1+ ^v 2:8 Ro 3:24+, 4:16; Ga 2:16; Tit 3:4+ ^w 2:9 Ro 3:27, 4:5; 1Kor 1:29+; 2Tim 1:9 ^x 2:10 2Kor 5:17; Ep 4:24; Tit 2:14

ambaijana ta Anutu isombe ikam piom na som. Paso, indeeje tana, niom kuute i som.^y ¹³Mi koozi, niom wal ta mungu kombotmbot molo pa Anutu na, kesekap la ki Yesu Kresi i, tabe ikam yom ma kamar koloujana pa Anutu kek. Pa Kresi sijiini ta iwe zaala piom.^z

¹⁴Tana Kresi ta ikam ti ma itijan Anutu taparlup ti ma tewe tamen. Kere. Zin Yuda mi zin wal ta Yuda somjan i, mungu tiparluplup zin som. Pa tiparwe kan koi ma kembei ta siiri biibi imbot la mazwan. Tamen Kresi, ni ireege siiri tana, mi ilup zin ma tiwe wal tamen kek.^a ¹⁵⁻¹⁶Ka zaala ta kembei: Indeeje kuliini ire yoyoujana sala ke pambaarajana na, ikam ma tutu boozomen ta mungu iwe mbukuunu pa wal uunu ru tana na, len uraata sa mini som. Pa ni isombe ikam mbulu popojana, mi ilup zin ma tiwe wal tamen nonono. Tana indeeje Kresi imeete sala ke pambaarajana na, ipunmeete mbulu kizin ta tiparwe kan koi na, mi ikam zin ma timiili mini ki Anutu, be zijan Anutu tiparlup zin ma tiwe tamen.^b ¹⁷Mi imar mi isoyaara uruunu ambaijana ta kembei: “Leleyom ambai. Pa niomjan Anutu kaparlup yom ma kewe tamen kek.” Sua tana ima piom wal ta mungu kombotmbot molo pa Anutu na, mi zin wal tau kembei timbotmbot koloujana pini na tomini.^c ¹⁸Tana iti wal uunu ru, ta Kresi iwe zaala piti, mi Bubujana tamen ta iuluulu iti be tala koloujana pa Tamanda Anutu mi toso sua kiti ila kini.^d

¹⁹Tana koozi niom wal ndeljoyom mini som. Ingi kewe Anutu wal kini potomjan, mi niomjan wal kini pakan kewe kartu pa kar saamba kek.^e ²⁰⁻²¹Niom kewe kembei ta Urum Merere ka uraata pakan. Urum tana imender se uraata ki Anutu kwoono bizin ta mungu tibeede sua kini na mi zin ngojana ki Kresi. Mi pat mataana kana ta ikis urum ka koronjanjan ta boozomen ma timbot murinmurin na, Kresi itunu. Naso urum izze ma iwe biibi, mi iwe Merere muriini potomjana be imbot pa.^f ²²Tana niom tomini, niomjan wal boozomen ta tisekap la ki Kresi i, na Kresi ikamam uraata piom bekeni ilup yom. Naso ipo Anutu le muriini be Bubujana imbot pa.^g

Paulus, ni le uraata be iswe ngar turkejana ki Anutu pizin wal ta Yuda somjan i

3 ¹Nio Paulus. Ingi tiur yo ma anbotmbot lela ruumu sanaana ti paso, anbesmbeze pa Yesu Kresi mi ankamam uraata bekeni anjuulu yom wal ta Yuda som na.^h ²Anutu, ni ikampe yo mi iur uraata imar nomon be

^y 2:12 Ro 9:4 ^z 2:13 Kol 1:20 ^a 2:14 Yo 14:27; Ro 5:1; Ep 3:6; Kol 1:19+

^b 2:15-16 Ro 8:3+; Kol 2:14 ^c 2:17 Yesa 57:19; Lu 2:14; Ijgo 10:36 ^d 2:18 Ro 5:2; Ep 3:12; Ibr 10:19+; 1Pe 3:18 ^e 2:19 Ep 3:6; Pil 3:20; Ibr 12:22+ ^f 2:20-21 Mt 16:18; 1Kor 3:9-16; 2Kor 6:16; Ep 4:15+; Tur 21:14 ^g 2:22 1Pe 2:5 ^h 3:1 Ep 4:1; Pil 1:7; Plm 13,16; Kol 4:3; 2Tim 1:8; Plm 1,9

aŋso yom pa muŋaiŋana mi kampeŋana kini. Uruŋ na, niom ko keleŋ risa kek.ⁱ ³Niom kuute: Anutu iswe ŋgar kini turkeŋana pio. Ka sua pakan, ta iŋgi aŋbeede ma ima i.^j ⁴Mi so kapaata, nako kikilaala kembei nio aŋbot mat pa ŋgar kini turkeŋana. Ŋgar tana iso pa Kriŋi tau. ⁵Ta muŋgu mi imar na, Anutu iswe kat ŋgar tana pizin tomtom som. Mi koozi na, Bubuna iswe piam ŋgoŋana potomjoyam ki Anutu mi Anutu kwoono bizin pakan ma imbot mat kek.^k ⁶Ŋgar tana iso ta kembei: Zin wal ta Yuda somŋan i, sombe tisekap la ki Kriŋi, na uruunu ambaiŋana ko iwe zaala pizin be ziŋan zin Yuda zan pa matamur ki Anutu, mibe tiparlup zin ma tiwe wal tamen, mi tikam koron ambaiŋana ta muŋgu Anutu imbuk sua pa na.^l

⁷Mi nio na, Anutu itunu mburaana ta ikam uraata pio, mi ikampe yo biibi, mi iur uruunu ambaiŋana tana imar nomon be aŋwe mbesoonjo pa.^m ⁸Ŋonoono, nio ti sorokŋon ŋonoono. Aŋbot kaimer kat pa Anutu wal kini ta boozomen. Tamen Anutu ikampe yo biibi, mi iur uraata ti imar nomon be aŋso zin wal ta Yuda somŋan i pa Kriŋi mbulu kini ndabokbokŋan ta boozomen. Mbulu kini tana, iti tarao be takam ŋgar pa ma imar na som.ⁿ ⁹Mi Anutu iur yo be aŋpaute zin tomtom pa zaala tau ni ikam ma ŋgar kini turkeŋana iur ŋonoono. Pa ta muŋgu mi imar indeeŋe koozi na, Anutu ta iur koron ta boozomen ma tipet na, iswe zaala tana som. Mi koozi, ni iswe ma ipet mat kek.^o ¹⁰Ni ikam ta kembei paso, ni leleene be zin aŋela zanŋan mi zin bubuna mburanŋan ta timbotmbot sala maŋaanana na, tire mar piti tomtom tau tombot lela lupana ki Kriŋi i. Naso ŋgar kizin ipet, mi tikilaala Anutu ŋgar kini matakiŋa boozomen ta ndabokbokŋan ma ilip na.^p ¹¹Tana mbulu ta boozomen ti, ina ito Anutu itunu ŋgar kini ta leleene iur pa ta muŋgu kek, indeeŋe saamba mi toono ipet zen na. Mi Merere kiti Yesu Kriŋi iwe zaala pa, ta iŋgi iur ŋonoono kek. ¹²Tana iti sombe tesekap la ki Kriŋi mi tuurla kini, inako tomoto be tagarau Anutu mi toso sua kiti ila kini som. Pa kosa sa ipakaala iti pini mini som.^q ¹³Tana ŋonoono, pataŋana ta ikamam yo i, iŋgi aŋbaada piom tau. Mi aŋso aŋpombol yom ta kembei: Leleyom ipata pa pepe. Kemender mbolana, mi niyom se pa.^r

Sunŋana ki Paulus

¹⁴Nio aŋkam ŋgar pa koron ta boozomen tana, tabe aŋlek kumbuŋ pa Tamanda Anutu mi aŋso aŋsuŋ piom. ¹⁵Pa ni zaana ta ise ki wal kini ta

ⁱ 3:2 Ŋgo 9:15; 1Kor 4:1; Ga 2:7; Kol 1:25 ^j 3:3 Ŋgo 22:17,21, 26:16+; Ga 1:11+; Ep 1:9+; Kol 1:26 ^k 3:5 Ŋgo 10:28; 2Pe 1:21 ^l 3:6 Ga 3:14, 3:28+; Ep 2:13+ ^m 3:7 Ro 1:5; 1Kor 4:1; Kol 1:23+ ⁿ 3:8 Ŋgo 9:15; 1Kor 15:9+; Ga 1:16; 1Tim 1:13+ ^o 3:9 Ro 16:25+
^p 3:10 Ro 11:33; Ep 1:21; 1Pe 1:12 ^q 3:12 Yo 14:6; Ro 5:2; Ep 2:18; Ibr 4:16, 10:19
^r 3:13 Pil 1:13+; Kol 1:24

boozomen. Zin ta timbotmbot saamba a, mi zin ta timbotmbot toono na tomini.^s ¹⁶ Mi ni irao kat pa koronj matakiŋa boozomen ta ndabokbokŋan mi zanŋan. Tana itunu ko ikam mburaana piom, mi izeebe yom pa Bubugana. Naso ipombol kat leleyom.^t ¹⁷ Mi ni ko ikam yom ma kuurla kat. Naso Krisi itu sula leleyom. Mi ko ikam yom ma kikiskis kat mbulu ki kuur leleyom pizin tomtom mi Anutu, kembei ta ke uraana irokiskis toono na. Nio lelenj be kombol se mbulu tana, kembei ruumu imbol se kitiimbi.^u ¹⁸ Naso niomŋan Anutu wal kini potomŋan ta boozomen karao be kakam kat ngar pa muŋaiŋana ki Krisi, mi kikilaala babaŋana kini ta kembei: Ina ila ma ila, mi isala ma isala, mi isula ma isula kat ta meleeba na.^v ¹⁹ Mi so kembei, nako kikilaala kat muŋaiŋana kini. Tamen ko som. Pa ina ilip kat pa iti tomtom ngar kiti. Mi ina zaala tabe Anutu itunu izeebe iti mi lelende bok kat pa mbulu kini ndabokbokŋan ta boozomen.^w

²⁰ Tana iti tapakuri. Pa mburaana ta ikamam uraata la lelende i, na biibi ma biibi kat. Tana koronj pareiŋana ta so tiwi i pa, som takam ngar pa men, na ni irao be ikam. Mi ni irao be ikam koronj pakan isala ki ma ilip kat. Pa ni itat pa kosa sa na som.^x ²¹ Tana iti ta tombot lela lupŋana ki Krisi i, itiŋan Krisi itunu ko tezzwe Anutu zaana ma mbulu kini ndabokŋana, mi iseenge iseenge ma ila. Ŋonoono.^y

Koronj pakan ta ilup Krisi wal kini

4 ¹ Tana nio ta anbotmbot lela ruumu sanaana ti pa Merere zaana na, anso anpombol yom be kapa pai tiom ma ambai men. Kakam ta kembei, to indeeŋe. Pa Anutu iboobo yom ma kewe lene kek.^z ² Tana kokoto kat ituyom, mi kakam mbulu luumuŋana men pa waeyom bizin ta ki Krisi i. Mi sombe tikam ŋoobo yom, som tikam pataŋana piom, na keteyom malmal pizin pepe. Kabaada men, mi ku'urur leleyom pizin.^a ³ Pa Bubugana, ni ilup ti ma tewe wal tamen kek. Tana kakam kinkiini be kopombolmbol lupŋana ki Krisi ma imbot ambai.^b ⁴⁻⁶ Kere. Krisi, lupŋana kini tamen ta imbotmbot. Ina iti tomtom ta tuurla kini na. Mi Bubugana ta kembena. Tamen ta imbotmbot. Mi indeeŋe Anutu iboobo iti ma tewe lene na, iboobo iti be tuur matanda pa koronj tamen. Ina mbotŋana ki kar saamba. Mi Merere tamen imbotmbot, urlaŋana tamen imbotmbot, mi takam yok be tewe Merere tamen lene. Mi Tamanda Anutu tamen ta imbotmbot. Ni koronj imap katuunu. Mi izeebe koronj ta boozomen, mi koronj ta boozomen tiwe zaala pini be ikamam uraata kini.^c

^s 3:15 Ep 1:10; Pil 2:9+ ^t 3:16 2Kor 4:16 ^u 3:17 Yo 14:23; Kol 1:23, 2:7

^v 3:18 Mbo 103:11 ^w 3:19 Yo 1:16; Ro 10:11+; Kol 2:2,9+ ^x 3:20 Ro 16:25;

1Kor 2:9+; Kol 1:29 ^y 3:21 Ro 11:36, 16:27; Ibr 13:21 ^z 4:1 Ep 3:1; Pil 1:27; 1Tes 2:12

^a 4:2 Ga 5:22+; Kol 3:12+; 1Tes 5:14 ^b 4:3 Kol 3:14+ ^c 4:4-6 Ro 11:36, 12:5;

1Kor 8:6, 12:4,11+; Ga 3:27+

Anutu iur uraata matakiŋa ma irao iti

⁷Krisi, ni ikampe iti tomtom tatanŋa, mi ikam lende uraata matakiŋa ma ikot ti be topombol lupŋana kini. Ito itunu leleene tau.^d ⁸Ka sua imbot pataŋa kek ta kembei. Iso:

Ni iporou ma ilip, ta ikam ka koi bizin ma tisala, mi ipamaala zin ila iwal biibi matan.

Mi ipomoozo zin tomtom, mi ikam len koron ambaimbaiŋan.^e ⁹Sua ta iso ni isala kor na, ina ka uunu parei? Ka uunu ta kembei: Ni isala men som. Mungu ikoto itunu, mi isu toono, mi imeete ma isula kat ta toono.^f ¹⁰Tana ni ta isu, mi ni tana ta imiili ma isala pa saamba, mi izem ma isala ta kor a. Naso izeebe koron ta munŋaana men, mi koron ta boozomen timap timbot la ni kopo mbarmaana.^g ¹¹Mi ni ipomoozo lupŋana kini pa koron ambaimbaiŋan matakiŋa. Pa iur tomtom pakan ma tiwe ŋgonŋana kini, mi pakan tiwe kwoono bizin, mi pakan tizzoyaryaara uruunu ambaiŋana pizin wal tau tiurla som na. Mi pakan na, len uraata be timboro zin tomtom mi tipaute zin pa sua ki Anutu.^h ¹²Ni iur zin wal ta kembei, beken tiurpe Anutu wal kini ta boozomen. Naso tirao be tikam uraata ambaimbaiŋan, mi timbeeze pini, mi tipombol lupŋana ki Krisi.ⁱ ¹³Mi ko ila ila ma irao iti ta boozomen ŋgar kiti iwe tamen, mi tuurla raraate, mi tuute Anutu Lutuunu raraate. Pa urlaŋana kiti ko izze ma tewe kolman pa, mi ila ila ma mbulu kiti raraate pa mbulu ki Yesu Krisi.^j

¹⁴Tana iti takam mbulu kembei ta zin nanŋan munmun mini pepe. Kokena takan la sorok sua ma ŋgar kizin wal pakamkaamŋan ta tipandelndel zin tomtom mi tikurru len pa mbulu kizin bozboozo. To tewe kembei woongo ta miiri ma duubu tipambinŋin mataana ma ila kena, ila kena.^k ¹⁵Tana takam kembena pepe. Bela toto sua ŋonoono men, mi tuur kat lelende pizin tomtom. Naso mbulu ta boozomen ki Krisi itum la lelende, mi tewe kembei ta ni.^l ¹⁶Pa iti tomtom ta tewe kembei Krisi namaana ma kumbuunu ma koronŋana ta boozomen. Mi ni ta iwe uteene piti, mi ikamam peeze piti, mi ikis ti ma tombot la murindi murindi. Miombe mbukunbukun ta boozomen tiparkis zin, mi itundu takamam uraata kiti kiti, mi tuur lelende par piti, inako lupŋana ki Krisi ipet ma iwe biibi mi imbol.^m

Zaala poponŋana ki Krisi

¹⁷⁻¹⁸Tana nio anŋso sua mbolŋana piom pa Merere zaana ta kembei: Kapa pai tiom kembei zin wal ta matan munŋan mi tiute Anutu som na

^d 4:7 Ro 12:3,6; 1Kor 12:11 ^e 4:8 Mbo 68:18; Kol 2:15 ^f 4:9 Yo 3:13 ^g 4:10 ŋgo 1:9; Ep 1:21+; Ibr 4:14 ^h 4:11 Ro 12:6+; 1Kor 12:27+ ⁱ 4:12 Kol 1:24; 2Tim 3:17

^j 4:13 2Kor 3:18; Kol 1:28, 2:2 ^k 4:14 1Kor 14:20; Ibr 13:9; Yems 1:6 ^l 4:15 Ep 1:22; Kol 1:18; 2Pe 3:18; 1Yo 3:18 ^m 4:16 Kol 2:19

pepe. Pa ngar kizin na, ŋono somŋana. Mi mbotŋana ta ki Anutu i na, zin tiute risa som. Pa zitun tizeeze talŋan,¹⁹ tanata tiyamaana sanaana kizin mini som, mi tikankaana. Mi tirao be tiyaraama zitun som, mi nin zze pa mbulu soroksorok ta boozomen.^o

²⁰Kere. Indeeŋe tipaute yom pa Kriŋi na, tiso yom pa ka mbulu ta kembei? Som. ²¹Niom kelej Kriŋi kaŋaana kek. Mi sua ŋonoono ta Yesu iswe piti na, tipaute yom pa kek. ²²Mi tiso piom ta kembei: Mbulu tiom muŋguŋana ramaki leleyom muŋguŋana ta ipakamkaam yom, mi ikamam ma niyom izze pa mbulu bozboozo, mi ipasansaana yom na, kikinke ma tila len kembei ta mburu sananŋana.^p ²³Bela Anutu itooro leleyom mi ngar tiom ma iwe popoŋana kat.^q ²⁴Naso Anutu ikam yom ma kewe kembei tomtom popoŋana, mi kakam mbulu ta ndeeŋeŋana mi potomŋana men kembei ni itunu.^r

²⁵Tana, niom ta boozomen kezem mbulu ki pakaamŋana ma imborene, mi kaparzzo sua ŋonoono men piom. Pa iti ta boozomen taparlup ti ma tewe wal tamen kek.^s ²⁶Mi sombe keteyom malmal, na kikiskis pepe. Kokena kakam sanaana. Tana loŋa mi kuurpe leleyom, mana zoŋ isula.^t ²⁷Kokena keteyom malmal ma kombotmbot, to iwe zaala pa Tomtom Sanaana.^u

²⁸Mi zin wal ta so tikemem, na timap pa kuumbu kamŋana, mi timanga ma naman ikam uraata. Naso zitun len koron, mi tirao be tikam pizin wal ta timbot ŋoobo na tomini.^v

²⁹Mi sua sananŋana sa ipet pa kwoyom pepe. Koso sua ambaiŋana men ta irao iuulu zin tomtom, mi ipei ngar kizin, mi ikam ma lelen ambai.^w

³⁰Mi kapasaana Anutu Bubunana Potomŋana leleene pepe. Pa ni ta iwe kilalan piom kembei niom wal ki Anutu. Mi sombe izeebe yom, na niom kuute: Sombe ka nol ipet, tona Kriŋi ko imar mi iyo yom ma kala kombot su kar kini.^x

³¹Tana mbulu ki lelende iŋgis, mi ketende malmal, mi ketende ibeleu, mi kaŋanda izalla, mi tangalŋgal sorok sua, ramaki mbulu matakina ki tuur koi na, kiziiri ma ila ne. ³²Mi kaparkampewe yom, mi leleyom zanzaana par piom, mi kaparurpewe leleyom, mi motoyom mbiriizikaala sanaana ki waeyom bizin, kembei Anutu ireege sanaana tiom paso, Yesu Kriŋi ta ndomoono piom.^y

Takam mat ka mbulu

5 ¹⁻²Niom kewe Anutu lutuunu bizin kek, mi ni leleene piom ilip kat. Tana kapa ki Tomoyom Anutu, mi kuur leleyom pa tomtom ta

ⁿ **4:17-18** Ro 1:21; Ep 2:12; 1Pe 1:14, 4:3 ^o **4:19** Ro 1:24; Kol 3:5; 1Tes 4:5 ^p **4:22** Ep 4:17; Kol 3:9; 1br 12:1; 1Pe 2:1 ^q **4:23** Yo 3:3; Ro 12:2; Kol 3:10 ^r **4:24** Ro 6:4; 2Kor 5:17; Ep 2:10; Kol 3:10 ^s **4:25** Sek 8:16; Ro 12:5; Kol 3:8+ ^t **4:26** Mbo 4:4; Mt 5:22+; Yems 1:19+ ^u **4:27** Yems 4:7; 1Pe 5:9; 1Yo 5:18 ^v **4:28** Iŋgo 20:34; 1Tes 4:11+; 2Tes 3:8+ ^w **4:29** Mt 12:36; Ep 5:4; Kol 3:8 ^x **4:30** Ro 8:23; 2Kor 1:22, 5:5; Ep 1:13+; 1Tes 5:19; Tur 7:3 ^y **4:32** Mt 6:14; Kol 3:13

boozomen, kembei Krisi iur leleene piti, mi izem itunu ma imeete piti. Mbulu kini tana, Anutu ire kembei patoronjana kuziinjana ta ni leleene pa ilip.^z

³Niom kewe Anutu wal kini potomjan kek. Tana mbulu ki urjanol, mi mbulu kizin me ma nge, mi mbulu ki matanda koronjana na, kakam pepe. Mi sombe mbulu sa irao be ipei wal pakan ngar kizin ma tiso ko niom kakam mbulu ta kembei, ina tomini, kakam pepe. Kombot molo pa.^a ⁴Mi sua sananjan sa ipet pa kwoyom pepe. Tana kekel kombol pepe, koso sua soroksorok pepe, mi kakam kombol ma iwe neu pepe. Pa mbulu ta kembei, ina indeenje som. Mi leleyom ambai pa Anutu, mi kwoyom ipakurkuri pa kamperjana kini.^b ⁵Kere. Sombe tomtom sa iurur nol, som ikamam mbulu kizin me ma nge, som mataana koronjana, ina ni imbot lela peeze ki Krisi ziru Anutu som, mi zaana be ikam matamur kizin som. Pa mbulu tana, sombe ngar kiti ilala pa, ina kembei tembeeze pa merere pakaamjana.^c

⁶Tana motoyom ingalngal ituyom. Kokena wal pakan tipakaam yom pa sua soroksorok pakan, mi tiyaaru yom ma kakam mbulu sananjan tana. Pa zin wal ta so tizorzooro Anutu, mi tinoknok mbulu ta kembei, ta Anutu kete malmaljana kini izze kizin.^d ⁷Tana wal ta kembena, kagaaba zin pa mbulu kizin risa pepe. Kombot molo pizin.

⁸Mungu na, niom tomini kombotmbot la zugut leleene. Mi ingi Merere ikam yom ma kombot la mat leleene kek. Tana motoyom ingal be kapa pai tiom ma keswe mat tana ka mbulu.^e ⁹Mat ipiyotyoto ka nonono ta kembei: mbulu ambaimbaijan ta boozomen, mbulu ndeengejan, mi sua nonono.^f ¹⁰Kakam kinkiini be kuute kat mbulu ta Anutu leleene pa i.^g ¹¹⁻¹²Mi zin wal ta tikamam zugut ka mbulu ta nono somjana na, kagaaba zin pa mbulu kizin pepe. Keswe mbulu kizin tana ma ipet mat, beken tikilaala mi tizem. Pa mbulu sananjan tau tikamam ki kenana na, ipamian zin kat. Mi sombe toso ka sua, na itundu kanda mian pa tomini.^h ¹³Tamen mat ikam koron ta boozomen ma timbot mat. Pa mat iswe koron ta boozomen.ⁱ ¹⁴Uunu tina ta tozzo ka sua ta kembei:

Nu ta kenne na, mangal!

Zem zin wal meetenan.

To mat ki Krisi iyaara pu.^j ¹⁵Tana motoyom ingal pai tiom. Kokena koto zin wal ta len ngar somjan i. Mi zin wal ta len ngar ambaijana na, to koto zin.

^z 5:1-2 Mt 5:48; Yo 13:34; Ga 2:20; 1Pe 1:15+; 1Yo 2:6 ^a 5:3 1Kor 5:1, 6:15+; Kol 3:5; 1Tes 4:3

^b 5:4 Ep 4:29 ^c 5:5 1Kor 6:9+; Ga 5:19+; Kol 3:5 ^d 5:6 Ro 1:18;

2Tes 2:1+ ^e 5:8 Yo 12:36; Jgo 26:18; Ep 2:11+; 1Pe 2:9; 1Yo 1:7+, 2:9+ ^f 5:9 Ga 5:22+

^g 5:10 Mt 18:15; Ro 12:2 ^h 5:11-12 Ro 13:12; 1Kor 5:9+; 2Kor 6:14 ⁱ 5:13 Yo 3:20+;

Ibr 4:13 ^j 5:14 Ro 13:11

¹⁶Koozi, sombe karao be kakam mbulu ambaijana sa, na kakam pataana. Pa kaimera ko kam kek? Pa ingi mazwaana sananana.

¹⁷Tana kakam ngara kankanana pepe. Kurru ngara pa mbulu ta Anutu leleene pa i.^k

¹⁸Kiwin yok mboljana ma zaza pepe. Kokena ikam ma karao be kayaraama ituyom mini som, to kakam mbulu bozboozo. Kuur ituyom ila ki Bubujana be izebzebe yom mi ikamam peeze piom. Naso kipiyooyooto mbulu ta kembei.^l ¹⁹Ko kaparzzo sua piom mi kozzo pa mboe ta timbot la sua ki Merere na, mi mboe pakurjan, mi mboe popojan ta timarmar pa Bubujana na. Mi kombombo mboe mi kezze kombom pa Anutu raama leleyom ambai.^m ²⁰Mi mbulu parejana ta so ipet, nako leleyom ambai men pa Tamanda Anutu, mi kapakuri pa Merere kiti Yesu Kisi zaana.ⁿ ²¹Mi kokototo ituyom, mi kaparlenjen la kaljojom. Paso niom komototo Yesu Kisi mi kelenjen la kaljaana.^o

Mbulu tabe iti wal ulanjanda takam pa kusindi bizin i

²²Niom moori na, kokototo ituyom mi kelenjen la kusiyom bizin kaljan, raraate kembei ta kokototo ituyom ma kelenjen la Merere kaljaana na.^p ²³Pa kusiyom bizin, ta tiwe uteene piom mi tikamam peeze piom, kembei ta Kisi iwe uteene pa wal kini ta ni ikamke zin ma timbot lela lupjana kini na.^q ²⁴Tana niom moori kokototo ituyom mi kelenjen la kusiyom bizin kaljan pa koron ta boozomen, kembei ta lupjana ki Kisi tikamam pini.

²⁵Mi niom tomooto na, ku'urur kat leleyom pa kusiyom bizin, kembei ta Kisi iur kat leleene piti tomtom ta tombot lela lupjana kini na, mi izem itunu ma imeete piti,^r ²⁶⁻²⁷bekena ikam ti ma tewe Anutu wal kini potomjan. Mi ni ipus ti pa yok ramaki sua kini ma tewe ngeezenda kek. Tana ikam ma iti ta tombot lela lupjana kini na, tewe kembei moori ulanjana ta runguunu ambaijana kat. Kuliini ingeeze men, muk sa ikami som, mi koronjana sa isaana som. Pa Kisi isombe ikam ti ma tewe lene kat, kembei ta tomooto ikam moori ma iwe kusiini.^s

²⁸Mi ina raraate piom tomooto. Ku'urur kat leleyom pa kusiyom bizin, kembei ta leleyom pa ituyom kuliom. Pa tomtom ta so iurur leleene pa kusiini, na iur leleene pa itunu tau. ²⁹Kere. Asij iur koi pa itunu kuliini? Som. Iti ta boozomen tupututu itundu mi tomborro kat itundu kulindi. Mi Kisi ikamam mbulu raraate men piti tomtom ta tombot lela lupjana kini

^k 5:17 Ro 12:2; 1Tes 4:3, 5:18 ^l 5:18 Tut 20:1; Yesa 5:11; Lu 21:34 ^m 5:19 Mbo 33:2+; Ijo 16:25; 1Kor 14:26 ⁿ 5:20 Mbo 34:1; Kol 3:16+; 1Tes 5:18; Ibr 13:15 ^o 5:21 1Pe 5:5
^p 5:22 Un 3:16; Ep 6:5; Kol 3:18; 1Pe 3:1+ ^q 5:23 1Kor 11:3; Ep 1:22+, 4:15; Kol 1:18
^r 5:25 Ga 1:4; Kol 3:19; 1Pe 3:7 ^s 5:26-27 Yo 3:5, 15:3; 2Kor 11:2; Kol 1:22; Tit 3:5; Ibr 10:22

na. ³⁰Pa iti ta tewe kembei ni namaana ma kumbuunu ma kwoono, mi kororɔŋana ta boozomen.^t ³¹Mi sua imbot pataaŋa kek ta kembei:

Uunu tina ta tomooto ko izem tamaana ma naana, mi ziru kusiini tiparlup zin ma tiwe tamen.^u

³²Sua ti na, ka ŋgar turkeŋana biibi. Pa nio aŋre kembei tiso se ki Kriŋi mi lupɔŋana kini.^v ³³Tamen sua ti imar piti tomini. Tana niom tomooto ta boozomen bela kuur kat leleyom pa kusiyoŋ bizin, kembei ta leleyom pa ituyom. Mi niom moori ta boozomen tomini, leyom ŋger pa kusiyoŋ bizin, mi kapakur zin.

Sua ta ila pizin pikin mi taman ma nan bizin

6 ¹Mi niom pikin na, kozo keleŋ la tomoyom ma noyom bizin kalɔŋan. Pa ina indeeŋe pa Merere ŋgar kini.^w ²⁻³Keleŋ sua ki Anutu ti:

Lem ŋger pa tomom ma nom mi mbeeze pizin.^x

Tutu ti na, tutu mataana kana ta ka sua mbukɔŋana imbotmbot raama. Sua ta kembei:

Naso nu mbot ambai su toono ma molo.

⁴Mi niom ta taman bizin na, kapamalmal sorok lutuyom bizin keten pepe. Komboro kat zin, mi kapazal zin mi kosope zin. Miombe kapazal zin, na koto zaala ki Merere mi kakam.^y

Sua pizin mbesooŋo mi zin bibip kizin

⁵Mi niom mbesooŋo na, kozo keleŋ la zin bibip tiom kalɔŋan, kapakur zin, mi kembeeze pizin raama leleyom, kembei ta kembesmbeeze pa Kriŋi itunu.^z ⁶Kokena kakam pakaamɔŋana pa uraata tiom ta kembei: Sombe kere zin bibip tiom timar, to kakam kat uraata pa matan bekena kakam lenen. Mi so tizem yom mi tila len, tona kakam kat uraata mini som. Kakam kembena pepe. Pa niom na, mbesooŋo ki Kriŋi. ⁷Tana kakam kat uraata tiom, mi kakam raama leleyom. Naso koto Anutu leleene. Pa uraata tiom tana, kakamam pizin tomtom men som. Ina kakamam pa Anutu tomini. ⁸Tana motoyom iŋgal be kakam kat. Pa niom kuute: Iti ta boozomen,ombe tewe mbesooŋo, som tewe mbesooŋo som, miombe takam uraata kiti ambai, inako Merere ikam lende kadoono ambaiɔŋana.^a

⁹Mi niom wal ta leyom mbesooŋo na tomini, leyom ŋger pizin. Kokena kapamoto zin sorok. Pa niom kuute: Niomɔŋan leyom biibi tamen tau: Ni

^t 5:30 Ro 12:5; 1Kor 12:27 ^u 5:31 Un 2:24; Mt 19:5; 1Kor 6:16 ^v 5:32 Tur 19:7

^w 6:1 Kol 3:20+ ^x 6:2-3 Kam 20:12; Mt 15:4 ^y 6:4 Lo 6:7; Tut 22:6 ^z 6:5 1Tim 6:1; Tit 2:9+; 1Pe 2:18 ^a 6:8 Mt 25:34+; 2Kor 5:10

ta imbotmbot saamba a. Mi ni ikamam ngar pa tomtom zan som. Ikamam mbulu raraate men pa tomtom ta boozomen.^b

**Wal urlaŋan bela tiur mburu malmal kana
ki Anutu, to timender mbolŋana**

¹⁰ Ayo, iŋgi be aŋpemet sua tio. Niom bela kakam mburoyom la ki Merere. Naso mburaana keskeezeŋana ipombol yom.^c ¹¹ Pa Tomtom Sanaana, ni le ngar biibi kat pa pakaamŋana. Tana kuur mburu malmal kana boozomen ta ki Anutu i be ipakaala yom. Naso kemender mbolŋana, mi kotop pa Tomtom Sanaana pakaamŋana kini som.^d ¹² Pa toono ti na, zugut muriini. Mi iŋgi itiŋan zin tomtom toono kan men toporrou som. Iŋgi zin bubuŋana sananŋan ta timbotmbot pa maŋaanaŋana i, mi zin peeze kan, mi koronj bibip ki toono ti ta mburanŋan mi zanaŋan na, ta itiŋan toporrou.^e ¹³ Tana kuur mburu malmal kana boozomen ta ki Anutu i be ipakaala yom. Beso gorgor sananŋana ki toomboŋana ipet, tona niom ko karao be kemender mbolŋana, mi koporoukaala ituyom ma kilip pa toomboŋana tana. Mburu malmal kana ki Anutu, ina mbulu ta kembei.^f ¹⁴ Kozo kemender mbolŋana, mi koto sua ŋonoono raama leleyom. Pa ina iwe kembei ta pus be ikiskis kawaala tiom.^g Mi kakam mbulu ndeeŋeŋana. Pa ina iwe kembei mburu mbolŋana ta zin zaaba kan tipakalkaala kan mbooro pa i.^h ¹⁵ Mi uruunu ambaiŋana ta iso iti pa zaala tabe itiŋan Anutu mi zin tomtom taparlup ti ma tewe tamen na, motoyom siŋsiŋ pa be kosoyaara pizin tomtom. Pa ina iwe kembei kumbuyom keteene.ⁱ ¹⁶ Mi kikiskis kat urlaŋana tiom. Pa ina koronj biibi kat. Iwe kembei ta siŋgiao piom be koporoukaala ituyom pa Tomtom Sanaana peene kini lutuunu boozomen ta you ikanan la matan na.^j ¹⁷ Mi kakam ulaaŋa ki Anutu ma iwe leyom. Pa ina iwe kembei ta mburu mbolŋana be isekaala uteyom. Mi sua ki Anutu ta Bubunana ikam piti na, kakam ma iwe leyom buza.^k ¹⁸ Tana kakamam mbulu ta boozomen tana, mi kuzuŋzuŋ raama Bubunana mburaana totomen. Kataŋroro Anutu be iuulu yom. Mi kezem suŋŋana pepe. Konoknok men. Tana kapamatmaata mi kuzuŋzuŋ pa Anutu wal kini potomŋan ta boozomen.^l

¹⁹ Mi motoyom ingal yo tomini pa suŋŋana. Kusun pa Anutu beso aŋkam sua pizin tomtom na, ni ipombol yo be aŋmoto som, mi iso yo pa sua tabe aŋkam pizin i. Naso aŋswe kat uruunu ambaiŋana ta muŋgu ike, mi koozi ipet mat kek.^m ²⁰ Uruunu ambaiŋana, nio aŋkam Anutu

^b 6:9 ŋgo 10:34+; Ro 2:11; Kol 4:1 ^c 6:10 1Kor 16:13; 2Tim 2:1 ^d 6:11 Ro 13:12+; 2Kor 6:7, 10:4; 1Tes 5:8+ ^e 6:12 Ep 2:2; 1Pe 5:8+ ^f 6:13 2Kor 6:7, 10:4 ^g 6:14 Zin zaaba kan ki Rom, sombe tila pa malmal, to tiselek kawaala kizin ma ise, mi tipo kat pa koronj kembei ta pus, bekana tiloondo kat. ^h 6:14 Mbo 132:9; Yesa 11:5; Lu 12:35; 1Tes 5:8; 1Pe 1:13
ⁱ 6:15 Yesa 52:7; Ro 10:15 ^j 6:16 1Pe 5:9; 1Yo 5:4 ^k 6:17 Yesa 59:17; 1Tes 5:8; Ibr 4:12; Tur 1:6, 19:15 ^l 6:18 Mt 26:41; Lu 18:1; Ro 12:12; Kol 4:2; 1Tes 5:17 ^m 6:19 ŋgo 4:29; Ro 15:30+; Kol 4:3; 2Tes 3:1

runguunu mi anzzo. Tanata ingi tiur yo ma anjmar anjbotmbot lela ruumu sanaana ti. Tana kusun pio be anmoto som, mi anmender mboljana mi anso ka sua. Naso ankam kat uraata tio.ⁿ

Sua pemetjana

²¹Tonmatizij kiti Tikikus ta mbesoonjo nonono ki Merere mi nio lelej pini ilip na, ni ko isotaara yom pa koron ta boozomen. Naso kuute mbotjana tio mi uraata ta ankamam i.^o ²²Uunu tina ta ango i ma ima i. Pa lelej be ni isotaara yom pa mbotjana tiam, mibe ipombol yom pa sua pakan tomini.

²³Tamanda Anutu mi Merere kiti Yesu Kisi ko timboro yom tonmatizij tiam tana ma kombot ambai, mi ikam yom ma leleyom par piom, mi kuurla kat. ²⁴Mi wal boozomen ta so tiurur lelen pa Merere kiti Yesu Kisi, mi tizemi som na, kampejana kini ko imbotmbot se kizin. Nonono.

ⁿ 6:20 Igo 28:20; 2Kor 5:20 ^o 6:21 Igo 20:4; Kol 4:7+